

Na osnovu Programa o vrstama , kriterijima i načinu raspodjele novčanih sredstava iz Granta za razvoj poljoprivrede u Gradu Cazin br: 01/GN-20-4301/21 od 06.04.2021 god., Pravilnika o utvrđivanju uslova, kriterija i postupka za ostvarivanje prava na subvencioniranje košnica i potrebne opreme za nove pčelare i pčelare koji u svom vlasništvu imaju do 10 košnica, a u cilju nabavke 30 košnica sa pčelarskom opremom, na području grada Cazina, Gradonačelnik raspisuje:

**JAVNI POZIV**  
**za podnošenje zahtjeva za subvencioniranje nabavke košnica i potrebne opreme za nove pčelare i pčelare koji u svom vlasništvu imaju do 10 košnica**

Grad Cazin raspisuje Javni poziv za podnošenje zahtjeva za **subvencioniranje nabavke košnica i potrebne opreme za nove pčelare i pčelare koji u svom vlasništvu imaju do 10 košnica**. Svakom korisniku subvencionira se nabavka 10 kompleta košnica sa dva nastavka, dvije stotine satnih osnova, 10 vještačkih rojeva sa ovogodišnjim maticama, inox vrcaljka i inox banja za otklapanje saća a sve u cilju proširenja pčelarske proizvodnje.

Nabavka košnica i potrebne opreme subvencionirat će se maksimalno 30 % od ukupne vrijednosti košnica i potrebne opreme po korisniku, i to najviše za 20 korisnika.

**I PRAVO UČEŠĆA**

Pravo na učešće u Projektu imaju prioritetne kategorije stanovništva - nezaposlene osobe ili osobe sa minimalnim primanjima sa područja grada Cazina koji su upisani u RPG ili RK.

Pravo na dodjelu košnica i opreme nemaju lica koja su dobila ovakvu ili sličnu donaciju iz oblasti poljoprivrede od Općine/Grada, nadležnih ministarstava, humanitarnih i drugih organizacija u posljednje 2 godine. Pravo učešća nemaju lica koja u svome vlasništvu imaju više od 10 košnica pčela.

**II USLOVI**

Podnosilac zahtjeva treba da ispunjava slijedeće opće i posebne uslove:

**1. OPĆI USLOVI:**

- Da je nezaposlena osoba ili osoba sa minimalnim primanjima,
- Da je upisan u Registar poljoprivrednih gazdinstava ili Registar klijenata u nadležnoj Gradskoj službi,
- Da nema više od 10 košnica u svome vlasništvu
- Da sufinansira 30% od nabavne cijene košnica i potrebne opreme (830 KM)

## **2. POSEBNI USLOVI:**

- broj članova zajedničkog domaćinstva,
- broj nezaposlenih punoljetnih članova zajedničkog domaćinstva,
- broj izdržanih članova zajedničkog domaćinstva,
- period proveden na Birou za zapošljavanje - podnosioca zahtjeva,
- samohrani roditelji
- prirodni uslovi (smještaj pčelinjaka),
- socijalni aspekt (stanje na terenu, imovno stanje, opći dojam i sl.)

Kada kandidati pri bodovanju imaju isti broj bodova, prednost će imati žene, demobilisani borci, članovi porodice šehida, i poginulih boraca, i RVI.

Podnosioci zahtjeva trebaju priložiti sljedeću dokumentaciju:

1. Prijavni obrazac-zahtjev
2. Ovjerena kućna lista,
3. Dokaz o nezaposlenosti kandidata izdat od nadležnog Biroa za zapošljavanje
4. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje, a za lica koja se ne vode na evidenciji Uvjerenje Porezne uprave,
5. Potvrde iz škole/fakulteta za djecu/izdržavane članove domaćinstva (za djecu predškolskog uzrasta priložiti rodni list)
6. Uvjerenje ili drugi dokaz o visini prihoda za svakog zaposlenog člana domaćinstva sa kućne liste (za penzionere posljednji ček od penzije ili potvrda izdana od banke),
7. Potvrda o upisu Registar poljoprivrednog gazdinstva ili Registar klijenta
8. Ovjerena izjava:
  - da podnositelj zahtjeva posjeduje maksimalno 10 košnica
  - da će korisnik poticaja košnice i opremu zadržati najmanje 3 godine od dana potpisivanja Ugovora,
  - da podnositelj zahtjeva ili član zajedničkog domaćinstva u posljednje 2 godine nije dobio ovakvu ili sličnu donaciju iz oblasti poljoprivrede od Općine/Grada, nadležnih ministarstava, humanitarnih i drugih organizacija
  - da će sufinancirati sa 30% od nabavne cijene košnica i opreme (830 KM)
9. U slučaju da je samohrani roditelj dostaviti dokaz (smrtni list ili dokaz o razvodu),-
10. U slučaju da u svome domaćinstvu ima dijete sa invaliditetom (potrebna dokumentacija).
11. U slučaju da je podnositelj zahtjeva pripadnik jedne od boračkih kategorija (demobilisani borac, član porodice šehida i poginulih boraca i RVI),..

## **III PROCEDURA ODABIRA KORISNIKA**

Postupak po Javnom pozivu zahtjeva za dodjelu košnica o potrebne opreme provest će Komisija koju je imenovao Gradonačelnik,

Komisija će izvršiti pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostaviti Službi za poljoprivredu.

Rang lista odabranih kandidata će biti objavljena na oglasnoj ploči Grada i službenoj web stranici.

## NAPOMENA:

Kandidati koji ostvare pravo na subvencioniranje nabavke košnica i opreme obavezni su prisustvovati edukaciji.

Obrasci zahtjeva za prijavu mogu se preuzeti na info pultu **Grada Cazina ili službenoj web stranici Grada**, zajedno sa dokumentacijom predati u zatvorenoj koverti na protokol Grada Cazina sa naznakom „Za javni poziv za sufinansiranje nabavke košnica i potrebne opreme“, a rok za podnošenje zahtjeva je 14 kalendarskih dana, od dana objavljivanja javnog poziva na **web stranici Grada Cazina**.

Sve dodatne informacije mogu se dobiti u Službi za poljoprivredu Grada Cazina svakim radnim danom od 09,00-13,00 sati na kontakt telefon: 037/515-351 ili 037/515-314

Nepotpuna, neuredna, netačna i neblagovremena dokumentacija neće se uzimati u razmatranje.

Javni poziv ostaje otvoren do 29.04.2021. godine

